

四庫全書

子部

欽定四庫全書

子部

景岳全書卷五十七

詳校官太醫院醫士臣舒岱

編修臣倉聖脈覆勘

總校官原任中允臣王燕緒

校對官原任編修臣勵守謙

謄錄監生臣杜文海

欽定四庫全書

景岳全書卷五十七

明 張介賓 撰

寒陣

黃連解毒湯

亦名解毒湯 治火熱狂躁煩心口

乾舌燥熱之甚者及吐下後熱不解脈洪喘急等證

黃連

黃芩

黃柏

梔子

各等分

右每服五錢水二鍾煎服

仲景 白虎湯 二

治傷寒脉浮滑此表有熱裏有邪宜用

此以解內外之熱及一切中暑煩熱熱結斑黃狂躁

大渴等證

石膏

一斤

知母

六兩

甘草

二兩

糯米

六合

右四味以水一斗煮米熟去滓溫服一升日三服○

本方加蒼朮即名蒼朮白虎湯

仲景

白虎加人參湯 三

此即人參白虎湯○亦名化斑

湯○仲景法即於前白虎湯內加人參三兩用治服

桂枝湯大汗出後大煩渴不解脉洪大者○今近代
止用人參二錢石膏五錢知母二錢甘草一錢粳米
一撮以治赤斑口燥煩躁暑熱脉虛等證○又河間
名為人參石膏湯用治膈消煩熱但分兩加倍於今
方

活人

白虎加桂枝湯

四

治瘧但熱不寒及有汗者

知母

桂枝

甘草

炙

粳米

各一錢

石膏

一錢

右咀水一鍾半煎八分溫服

仲景竹葉石膏湯五

治陽明汗多而渴鼻衄喜水水入

即吐及暑熱煩躁等證

石膏

一兩

竹葉

二十片

半夏

甘草

各二錢

麥冬

人參

各三錢

粳米

一撮

此係今方分兩非仲景舊法

水二鍾薑三片煎服○一方云石膏二錢人參一錢

其他以遞減之用者當酌宜也

六味竹葉石膏湯

六

治胃火盛而作渴

石膏

煨倍用之

淡竹葉

桔梗

薄荷葉

木通

甘草

各一錢

水煎服

竹葉黃芪湯

七

治胃虛火盛作渴

淡竹葉

二錢

人參

黃芪

生地黃

當歸

川芎

麥冬

芍藥

甘草

石膏

煨

黃芩

炒各一錢

水煎服○按此方之用當去川芎為善○外科仍有

半夏

宣明桂苓甘露飲八

治陽暑發熱煩躁水道不利等證

滑石飛四兩

石膏

寒水石

白朮各二兩

茯苓

澤瀉各一兩

肉桂

猪苓各五錢

右為末每服三錢溫湯調下

和子桂苓甘露飲九

治證同前脈虛而渴者當用此

滑石一兩

人參

白朮

茯苓

甘草

石膏

寒水石

乾葛

澤瀉

各一兩

官桂

木香

藿香

各一錢

右為末每服三錢白湯調下

千金 甘露飲

十

治男婦小兒胃中客熱口舌生瘡咽喉

腫痛牙齦腫爛時出膿血及脾胃受濕瘀熱在內或
醉飽多勞濕熱相傳致生膽病身面皆黃或身熱而
腫大小便不調

枇杷葉

拭去毛

生地黃

熟地黃

天門冬

麥門冬

黃芩

石斛

茵陳

枳殼

錢各一

炙甘草

五分

右作一服水二鍾煎七分食後服○本事方無麥冬
茵陳有山豆根犀角屑治口齒證大有神效

三黃石膏湯

十一

治疫癘大熱而躁

石膏

錢生三

黃芩

黃柏

黃連

錢各二

豆豉

半合

麻黃

八分

梔子

錢五枚
打碎

水二盞煎一盞連進三四盞則愈

羌活升麻湯

十二

治暑月時行瘟疫熱病宜清熱解毒

兼治內外者

羌活

升麻

葛根

人參

白芍藥

黃芩

各一錢

黃連

石膏

甘草

生地黃

知母

各七分

水二鍾薑三片棗一枚煎八分溫服

東垣普濟消毒飲

十三

治疫癘憎寒壯熱頭面腫盛目

不能開上喘咽喉不利口乾舌燥俗云大頭瘟病諸藥不效元泰和二年東垣製以濟人所活甚衆時人

皆曰天方

黃芩

酒炒

黃連

酒炒各五錢

人參

三錢

橘紅

玄參

生甘草

桔梗

柴胡

各二錢

薄荷葉

連翹

鼠粘子

板藍根

馬屁勃

各一錢

白殭蚕

炒

升麻

各七分

右為細末半用湯調時時服之半用密丸嚙化服盡

良愈○或加防風 川芎 當歸 薄荷 細辛

水二鍾煎一鍾食遠稍熱服○如大便鞭加酒蒸大黃一二錢以利之○或熱腫甚者以砭鍼刺其血

苓連消毒飲^{十四}

治天行時遠大頭病發熱惡寒頸

項腫脈洪痰痺等證

柴胡

桔梗

羌活

防風

黃芩

黃連

連翹

枳殼

荊芥

白芷

川芎

射干

甘草

水一鍾半薑三片煎服○有痰者加竹瀝薑汁調服
○如秘結熱甚者先加大黃煎服利二三行後依本
方加人參當歸調理

河間
六神通解散

十五

治發熱頭痛脉洪身熱無汗○

槌法有川芎羌活細辛三味

麻黃

甘草

各一錢

黃芩

蒼朮

各二錢

石膏

滑石

各錢半

豆豉

十粒

水二鍾加葱薑同煎一鍾溫服

仲景 小陷胸湯 十六

治小結胸正

在心下按之則痛脈浮滑者

半夏

三錢

黃連

錢半

栝蒌仁

二錢此非古數

右先以水二鍾煎栝蒌至一鍾半乃入二藥同煎至八分溫服○原方用黃連一兩半夏半斤栝蒌實一枚水六升如法煮二升分三服

鷄子清飲

十七

治熱病五六日壯熱之甚大便秘結

狂言欲走者

鷄子

二枚取清

芒硝

細研

寒水石

細研各二三錢

右先用新汲水一盞調藥末次下鷄子清攪勻分二服○按此法似不若以雪梨漿調二藥服之更妙

仲景

黃連阿膠湯

十八

治少陰傷寒二三日以上心中

煩不得臥

黃連

四兩

黃芩

一兩

芍藥

二兩

阿膠

三兩

鷄子黃

二枚

右以水五升先煮前三味取二升去滓內膠烺盡小冷內雞子黃攪令相得溫服七合日三升

梔子仁湯

十九

治發熱潮熱狂躁面赤咽痛

梔子

赤芍

大青

知母

錢各一

升麻

柴胡

黃芩

石膏

杏仁

甘草

錢各二

豆豉

百粒

水煎溫服○一方無豆豉○又六味梔子仁湯在外

科八

仲景梔子豆豉湯

二十

治傷寒煩熱懊懣可為吐劑

梔子

十四枚擘

香豉

四合

右用水四升先煮梔子得二升半內豉再煮取一升半去滓分二服溫進一服得吐者止後服

仲景梔子厚樸湯 二十

治傷寒下後餘邪未清心煩腹

滿起臥不安者

梔子

十四枚擘

厚樸

四兩薑炙

枳實

四兩炒

已上三味用水三升半煮取一升半去滓分二服溫

進一服得吐止後服

仲景梔子乾薑湯 二

治傷寒以圓藥大下之身熱不

去微煩者若病人舊有微溏者不可用

梔子

十四枚擘

乾薑

三兩

右二味以水三升半煮取一升半去滓分二服溫進一服得吐者止後服

仲景

梔子蘘皮湯

二三

治傷寒身黃發熱者

梔子

十五枚

甘草

一兩

黃蘘

二兩

右三味以水四升煮取一升半去滓分溫再服

解瘟疫熱毒

二四

瘟疫八九日後已經汗下不退口渴咽乾欲飲水者以蚯蚓糞名六一泥不拘多少槌新汲水飲之或用晚蠶沙亦可○其熱甚者用新青布以冷水浸過畧擠乾置患人胸上以手按之良久布熱即易之須臾當汗出如水或作戰汗而解夏月極熱用此法他時不可用

漏蘆丹麻湯

二五

方在外科九七

治時毒頭面紅腫

黃連香薷飲 二六

方在和陣一七二

治傷暑中熱

局方瀉心湯 二七

治心火

用川黃連去鬚為極細末每服一字或五分或一錢
或湯或散臨臥服

仲景甘草瀉心湯 二八

亦名半夏瀉心湯○嘔而腸鳴

心下痞者此方主之○此方辛入脾而散氣半夏乾
薑之辛以散結氣苦入心而泄熱黃連黃芩之苦以

泄痞熱脾欲緩急食甘以緩之人參甘草大棗之甘以緩之也

半夏

半斤洗

黃連

一兩

乾薑

黃芩

甘草

炙

人參

各三兩

大棗

十二枚

右七味以水一斗煮取六升去滓再煮取三升溫服一升日三服

仲景

生薑瀉心湯

二九

治傷寒汗解之後胃中不和心

下痞鞭乾噫食臭脇下有水氣腹中雷鳴下利者

生薑 四兩切 甘草 炙 人參 黃芩 各三兩

乾薑 一兩 黃連 一兩 半夏 半斤洗 大棗 十二枚擘

右八味以水一斗煮取六升去滓再煎取三升溫服一升日三服○此方無生薑即名半夏瀉心湯

仲景 大黃黃連瀉心湯 三十 治太陽傷寒汗下後色微

黃心下痞按之濡其脈關上浮者

大黃 二兩 黃連 一兩

右二味以微沸湯二升漬之須臾絞去滓分溫再服

仲景附子瀉心湯 三一

治傷寒汗下後心下痞而復惡

寒汗出者

大黃

一兩

黃連

黃芩

各二兩

附子

一枚炮去皮破八片別煮

取汁

右前三味以麻沸湯二升漬之須臾絞去滓內附子

汁分溫再服

清心蓮子飲 三一

治熱在氣分口乾作渴小便淋濁

或口舌生瘡咽疼煩躁

黃芩

麥冬

地骨皮

車前子

炒

甘草

各錢半

人參

黃芪

石蓮子

柴胡

茯苓

各一錢

右每服五錢水煎服

良方

加味通心飲

三三

治諸疝內熱脹痛及小便不利

木通

梔子仁

黃芩

藹麥

連翹

枳殼

川練子

甘草

等分

右咀每服五錢水一鍾半燈心二十根車前草五莖

煎七分溫服

清心湯

三四

治心受熱邪狂言叫罵動履失常

黃連

黃芩

梔子

連翹

薄荷

甘草

芒硝

大黃

等分

水一鍾半竹葉二十片煎八分溫服

外科清心湯

三五

方在外科八四

治瘡瘍腫痛發熱

局方人參清肺湯

三六

治肺胃虛熱咳嗽喘急坐臥不

安年久勞嗽唾痰

人參

杏仁

去皮
尖炒

阿膠

各一
錢

栗殼

蜜炒一
錢半

炙甘草

桑白皮

知母

地骨皮

烏梅肉

各五
分

水二鍾棗一枚煎八分食遠服

人參平肺散

三七

治心火尅肺金傳為欬嗽喘嘔痰

涎壅甚胸膈痞滿咽喉不利

人參

天冬

黃芩

地骨皮

陳皮

青皮

茯苓

各八分

知母 一錢

五味

二十粒

甘草

炙五分

桑白皮

炒一錢半

水二鍾薑三片煎八分食遠服

黃芩清肺飲

三八

治肺熱小便不利宜用此清之

梔子

二錢

黃芩

一錢

水煎服如不利加鹽豉二十粒

清肺湯

三九

方在痘疹一四五

治麻疹歟甚者

東垣清肺飲子 四十

方在和陣三五

治邪熱在氣分渴而小便不利

萬氏清肺飲 四一

方在痘疹八七

治痘疹肺熱喘嗽

瀉白散 四二

治肺火大腸火喘急等證

甘草 一錢

桑白皮

地骨皮

各一錢

右為末水調服

五味瀉白散 四三

方在因陣二六

治眼目風熱翳膜外障

正傳 麥門冬湯 四四

治病後火熱乘肺咳嗽有血胸脇

脹滿上氣喘急五心煩熱而渴

天冬 麥冬 桑白皮 各七分

紫苑茸 貝母 各六分 桔梗 甘草 各五分

淡竹葉 生地 各一錢 五味 九粒

水一鍾半棗一枚煎服

類方 麥門冬湯 四五

治肺熱氣衰血焦髮落好怒唇口

赤甚

麥門冬

遠志

甘草煮
去心

人參

黃芩

生地黄

茯神

石膏

煨各
一兩

甘草

炙半
兩

右咬咀每服一兩水煎服

萬
氏

麥門冬湯

四六

方在痘疹一四二

治表邪麻疼火熱嗽甚

家
抄

麥門冬飲

四七

治虛勞咳嗽午後嗽多者是也

川芎

當歸

生地黄

白芍藥

麥門冬

黃柏

知母

各一錢

桑白皮

八分

五味子

十五粒

水二鍾薑一片棗一枚煎八分食遠服

麥門冬飲子

四八

治膈消胸滿心煩氣多血少津

液不足為消渴

麥門冬

生地黄

人參

五味子

甘草

炙

茯苓

天花粉

知母

乾葛 等分

右咬咀每服一兩竹葉十四片水煎服

三母散 四九

治肺熱欬嗽及疹後嗽甚者

貝母

去心童便洗

知母

等分

乾生薑

一片

右水煎服○或為末每服五分或一錢沸湯下

陳氏 二母散 五十

方在婦人八六

治產後血熱上攻欬喘促

家抄 黃芩知母湯 五一

治夏月火嗽有痰面赤煩熱

黃芩

知母

桑白皮

杏仁

山梔

天花粉

貝母

桔梗

甘草

等分

水二鍾煎八分食遠服

醫林

桑白皮湯

五二

治肺氣有餘火炎痰甚作喘

桑白皮

半夏

蘇子

杏仁

貝母

山梔

黃芩

黃連

各八分

水二鍾薑三片煎八分溫服

海藏紫苑散

五三

治嗽中有血虛勞久嗽肺痿

紫苑

阿膠

知母

貝母

各錢半

人參

甘草

茯苓

桔梗

各一錢

五味子

十二粒

水二鍾煎八分食後服

東垣清胃散

五四

治醇酒厚味或補胃熱藥太過以致

牙痛不可忍牽引頭腦滿面發熱或齒齬潰爛喜冷惡熱此陽明之火也宜用此方

生地

錢半

升麻

當歸

丹皮

錢各一

黃連

錢半夏
月倍之

水煎服

加味清胃散

五五

即前方加犀角 連翹 甘草

秘驗清胃飲

五六

治一切風熱濕痰牙痛水腫血出動

搖

石膏

梔子

黃連

黃芩

當歸

生地

白芍

蒼朮

各一錢

青皮

八分

細辛

藿香

荊芥穗

各六分

升麻

五分

丹皮

甘草

各四分

水二鍾煎八分食後緩緩含飲之效

錢氏

瀉黃散

五七

治脾火

山梔

一兩

石膏

五錢

藿香

七錢

防風

四錢

甘草

三錢

右咬咀蜜酒拌畧炒香為細末每服二錢水一鍾煎

清汁飲

和中湯 五八

治虛火嘈雜

人參

白朮

茯苓

陳皮

半夏

各一錢

甘草

五分

黃連

薑炒錢半

大棗

二枚

水一鍾半加粳米一撮煎八分溫服

薛氏柴胡清肝散

五九

治肝膽三焦風熱瘡瘍或怒火

憎寒發熱或瘡毒結於兩耳兩脇前後或胸乳小腹

下及股足等證

柴胡

黃芩

炒各錢半

山梔

炒

川芎

人參

各一錢

甘草

五分

連翹

桔梗

各八分

水一鍾半煎服

梔子清肝散

六十

治肝膽三焦風熱耳內作痒或生

瘡出水或脇肋胸乳作痛寒熱往來

梔子

柴胡

丹皮

各一錢

當歸

川芎

芍藥

牛蒡子

炒

茯苓

各七分

右水煎服 一方無白朮

原

芍藥清肝散

六一

治眇多眊睞緊澹羞明赤脉貫

睛臟腑秘結

白朮

川芎

防風

羌活

桔梗

滑石

石膏

芒硝

各三分

黃芩

薄荷

荊芥

前胡

炙甘草

芍藥

各二分半

柴胡

山梔

知母

各二分

大黃

四分

水煎食遠熱服

良方 龍膽瀉肝湯 六二

亦名龍膽湯 治肝經濕熱小

便赤澀或脇脹口苦寒熱凡肝經有餘之證宜服之

龍膽草

酒拌炒

人參

天冬

麥冬

生甘草

黃連

炒

山梔

知母

各五分

黃芩

七分

柴胡

一錢

五味

三分

水一鍾半煎服

七味龍膽瀉肝湯

六三

治肝火內炎如前諸證

柴胡稍 澤瀉

車前子 木通

龍膽草 歸稍

生地 各等分

右咬咀水二鍾煎一鍾空心稍熱服

薛氏加味龍膽瀉肝湯

六四

治肝經濕熱或囊癰下

疳便毒小便澀滯或陰囊作痛小便短少

龍膽草

酒炒一錢

車前子

炒

當歸尾

木通

澤瀉

大人倍用

甘草

黃芩

生地

山梔

大人倍用

右水煎○若治小兒子母同服

當歸六黃湯

六五

治盜汗之聖藥

當歸

黃芩

蜜炙各二錢

生地黃

熟地黃

黃連

黃栢

各一錢

水二鍾煎服

正氣湯

六六

治陰分有火盜汗

黃栢

炒

知母

炒各二錢

炙甘草

六分

水一鍾半煎八分食遠熱服

仲景芍藥甘草湯

六七

治傷寒脈浮自汗出小便數心

煩微惡寒脚攣急足溫者

白芍藥

甘草

炙各四兩

右二味以水三升煮取一升半去滓分溫再服

生地黃煎

六八

治陰火盜汗

生地

當歸

黃芪

炙

甘草

炙

麻黃根

浮小麥

黃連

黃芩

黃蘗

各錢

水一鍾半煎八分食遠服

膏 石膏散 六九

治陽明風熱頭痛

石膏

川芎

白芷 等分

右為細末每服四錢熱茶清調下

本 荆芥散 七十

治頭風

荆芥

石膏 煨等分

右為細末每服二錢薑三片連鬚葱白三寸水一鍾

煎七分食遠服

雙玉散 七一

治熱痰欬喘急煩渴頭痛

石膏

寒水石

等分

右為極細末每服三錢人參湯或隨證用引調下

主

秘方茶調散

七二

治風熱上攻頭目昏痛及頭風

熱痛不可忍

小川芎

一兩

細芽茶

薄荷

各三錢

白芷

五錢

荊芥穗

四錢

片苓

二兩酒拌炒
三次不可令

焦

頭顱及腦痛加細辛藁本蔓荊子

各三錢

右為細末每服二三錢用茶清調下

天花散

七三

治消渴

天花粉

生地黄

麥門冬

乾葛

各二錢

五味子

甘草

各一錢

右作二服水一鍾半粳米百粒煎八分食遠服

錢氏地骨皮散

七四

治壯熱作渴

地骨皮

茯苓

甘草

柴胡

人參

知母

半夏

等分

右咬咀每服一兩水煎服

玉泉丸 七五

治煩熱口渴

人參

麥門冬

黃芪

蜜炙

茯苓

烏梅肉

焙

甘草

各一兩

天花粉

乾葛

各兩半

右為末蜜丸彈子大每服一九溫湯嚼下

宣明 清膈導痰湯 七六

治胃火厚味膈上熱痰咯吐不

出效唾稠粘

黃芩

貝母

各一錢

天花粉

瓜蒌仁

白茯苓

白朮

各八分

桔梗

甘草

陳皮

各五分

石膏

樸硝

各錢半

水一鍾半加竹葉二十片揉爛同煎八分食遠服

生鐵落飲

七七

治痰火熱狂墜痰鎮心

生鐵

四十斤

入火燒赤沸砧上鎚之有花出如蘭如

蛾紛紛落地者是名鐵落用水二斗煮取一斗

用以前藥

石膏

三兩

龍齒

研

茯苓

防風

去蘆各一兩半

玄參

秦艽

各一兩

右咬咀入鐵汁中煮取五升去粗入竹瀝一升和勻
溫服二合無時每日約須五服

大連翹飲

七八

治風熱熱毒大小便不利及小兒痘

後餘毒肢體患瘡或丹瘤等毒遊走不止

連翹

山梔

炒

黃芩

滑石

柴胡

荊芥

防風

甘草

當歸

赤芍

木通

瞿麥

蟬退

各等分

右量大小水煎服

局方

犀角地黄湯

七九

治勞心動火熱入血室吐血衄

血發狂發黃及小兒瘡痘血熱等證○景岳云此方治傷寒血燥血熱以致溫毒不解用此取汗最捷人所不知蓋以犀角之性氣銳能散仲景云如無犀角以升麻代之此二味可以通用其義蓋可知矣

生地

四錢

芍藥

丹皮

犀角鎊

各錢半

如欲取汗退熱必用尖生磨攪入之方妙

右咬咀水一鍾半煎八分加犀角汁服○或入桃仁去皮尖七粒同煎以治血證

犀角地黄湯

八十

即前方加黃連黃芩各一錢

拔萃

犀角地黄湯

八一

治一切血熱失血三焦熱血便

秘等證

犀角

磨汁

生地

二錢

黃連

黃芩

各一錢

大黃 三錢

水一鍾煎一鍾入犀角汁和勻溫服

外科犀角地黄湯 八二

方在外科四六

治胃火血熱妄行

良方生地黄散 八三

治血熱小便出血

生地黄 二錢

黃芩 炒五錢
阿膠 炒

栢葉 炒各一錢

右水煎服

生地黃飲子 八四

治諸見血吐血衄血下血溺血皆

屬熱證

生地

熟地

枸杞

黃芪

芍藥

天冬

甘草

地骨皮

黃芩

各等分

右咀每服七錢水二鍾煎八分食遠服如脉微身涼

惡風者加桂五味吐血者多如此

茜根散 八五

治衄血不止心神煩悶

茜根

黃芩

阿膠

炒珠

側柏葉

生地黄

各二錢

甘草

炙一錢

水一盞半薑三片煎七分食遠服

人參五味子湯

八六

方在外科一五三

治虛損肺痿等證

二神散

八七

治男婦吐血或血崩下血

陳槐花

二兩炒焦

百草霜

五錢

右為細末每服三錢茅根煎湯調下○治下血宜空

心服之○舌上忽然腫破出血宜此摻之

良方四生丸 八八

治吐血衄血陽乘於陰血熱妄行宜

服此藥

生荷葉 生艾葉 生側柏葉 生地黃

等分

右搗爛如鷄子大丸每服一九水二盞煎一盞濾去
粗服○陳日華云先公嘗遊靈石寺見一僧嘔血明
年到寺問嘔血者何如主僧云得服四生丸遂愈自
得此方屢用有效愚意前證乃內熱暴患者宜用之

若人病本元不足須補脾以資化源否則虛火上炎
金反受尅獲生鮮矣

生濟鱉甲地黃湯八九

治虛勞煩熱怔忡羸瘦

鱉甲醋炙

熟地

人參

白朮

當歸

麥門冬

茯苓

石斛

柴胡

秦艽

各一錢

肉桂

甘草

炙各六分

水二鍾薑五片烏梅一個煎七分不拘時服

局方黃芪鱉甲煎九十

治虛勞客熱肌肉消瘦煩熱心

悸盜汗少食多渴欬嗽有血

黃芪

蜜炙

蟹甲

醋浸炙
去裙

人參

知母

桑白皮

紫苑

桔梗

甘草

炙各
五分

地骨皮

秦朮

柴胡

生地

芍藥

各七
分

天門冬

白茯苓

各八
分

肉桂

四分

水一鍾半煎八分食後溫服

地黃膏

九一

滋陰降火養血清肝退熱

鮮地黃

以十斤為則搗汁和衆藥汁同煎

當歸身

一斤

芍藥

半斤

枸杞

半斤

天門冬

麥門冬

各六兩

川芎

丹皮

各二兩

蓮肉

四兩

知母

地骨皮

各三兩

人參

甘草

各一兩

右將衆藥用水二斗煎一斗去滓淨和生地黃汁同熬成膏服之

局方秦朮扶羸湯

九二

治肺痿骨蒸勞嗽或寒熱往來

聲啞自汗體虛怠惰

人參

秦艽

當歸

鱉甲

醋炙

紫苑茸

地骨皮

柴胡

甘草

各五分

水一鍾半薑五片大棗烏梅各一枚煎七分食遠服

退熱湯

九三

治急勞煩熱口乾憎寒飲食不得

柴胡

龍膽草

青蒿

知母

炒

麥冬

甘草

各一錢

右用童便一鍾半葱白三寸薤白三莖桃柳枝各五寸同浸一宿平旦煎一鍾空心頓服至夜再服

良方團魚丸

九四

治骨蒸勞嗽累效

貝母

前胡

知母

杏仁

各一兩

柴胡

半兩

團魚

二個

右藥與魚同煮熟取肉連汁食之將藥焙乾為末再以團魚骨甲煮汁一盞和藥丸桐子大每服二三十丸煎黃芪六一湯空心送下病既安仍服黃芪六一

湯調理

良方地榆散

九五

治腸風熱證下血

地榆

黃芩

黃連

梔子

茜根

茯苓

等分

右咬咀每服五錢入茱白五寸同煎食遠溫服

良方

四味地榆散

九六

一名潑火散

治中暑昏迷不

省人事並治血痢

地榆

赤芍藥

黃連

去鬚

青皮

等分

右為末每服三錢漿水調服或新汲水亦可○若治

血痢以水煎服

本
槐花散 九七

治腸風藏毒下血

槐花 炒

側柏葉 并

荊芥穗

枳殼 麩炒

右各等分為末每服二錢空心米飲調下或用煎湯

亦名槐花湯

外科
槐花散 九八

方在外科一六九

治腸風藏毒下血

東垣
加減四物湯 九九

治腸風下血

當歸

川芎

生地

側柏葉

各八分

枳殼

麤炒

荊芥穗

槐花

炒

甘草

各四分

地榆

條苓

防風

各六分

烏梅

肥者三枚

水二鍾薑三片煎八分空心溫服

局方枳殼湯

百

治大便秘風下血

枳殼

二兩炒黃

大黃連

一兩同槐花四兩炒焦去花不用

水二鍾濃煎空心溫服

枳殼湯

百一

治便血或婦人經候不調手足煩熱胸

膈不利

枳殼

麩炒

半夏麩

赤芍藥 柴胡

各一錢

黃芩

一錢半

水二鍾薑三片棗一枚煎八分食遠服

濟生

小薊飲子

百二

治下焦結熱澀血崩淋等證

生地

四兩

小薊根

滑石

蒲黃

炒

藕節

淡竹葉

山梔

炙甘草

各五錢

右咬咀每服五六錢水一鍾半煎八分空心溫服

仲景

黃連湯

百三

治傷寒胸口有熱胃中有邪氣腹中

痛欲嘔吐者

黃連

甘草

炙

乾薑

桂枝

去皮各三兩

人參

二兩

半夏

半斤

大棗

十二枚

右七味以水一斗煮取六升去滓溫服一升日三服

夜二服

黃連湯

百四

治便後下血腹不痛名溫毒下血

黃連

當歸

各二錢

甘草

五分

水二鍾煎八分食後服

仲景黃芩湯 百五

治太陽與少陽合病自下利

黃芩 三兩

炙甘草

芍藥

各二兩

大棗

十二枚

右四味以水一斗煮取三升去滓溫服一升日再服
夜一服若嘔者加半夏半升生薑三兩

外臺黃芩湯 百六

方在和陣一九八

治乾嘔下利

直指黃芩湯 百七

治心肺蘊熱口瘡咽痛膈悶小便淋

濁不利

黃芩

黃連

梔子

生地

麥冬

木通

澤瀉

甘草

各等分

右每服一兩水一鍾半煎八分食前服

黃芪散

百八

治熱痢下赤膿心腹煩熱疼痛

黃芪

當歸

龍骨

各七錢半

生地黃

五錢

黃連

去鬚微炒一兩

黃蘗

黃芩

犀角屑

地榆

各半兩

右為細末每服二錢不拘時粥飲調下

河間黃芩芍藥湯

百九

治瀉痢腹痛或身熱熾後重脈

洪數膿血稠粘及陰虛內熱衄吐血者○此方即前仲景之黃芩湯但分兩不同

黃芩

白芍

各二錢

甘草

一錢

水一鍾半煎八分溫服○腹痛甚者加桂二分膿血甚者加當歸黃連各一錢○一方芍藥用六錢

局方木香化滯湯

百十

治痢下赤白腹中疴痛裏急後

重多熱多滯者宜之

木香

甘草

各七分

人參

陳皮

黃連

澤瀉

檳榔

各一錢

白朮

枳殼

麩炒

厚樸

白芍藥

茯苓

各錢半

水二鍾煎八分食前服

清熱滲濕湯

百十一

治濕熱浮腫肢節疼痛小水不利

黃蘗

鹽水炒二錢

黃連

茯苓

澤瀉

各一錢

蒼朮

白朮

各錢半

甘草

五分

水二鍾煎八分服○如單用滲濕去黃連黃蘗加橘

皮乾薑

河間益九散

百十
二

一名六一散○一名天水散○治中

暑身熱煩渴小水不利河間云治痢之聖藥分利陰陽去濕熱其功大矣

粉甘草

桂府滑石

飛六
兩

右為極細末每服二三錢新汲水調下○一方加辰砂三錢名硃砂益九散○一方加牛黃治煩而不得眠

局方香連丸

百十
三

治熱瀉痢疾赤白膿血濕熱侵脾裏

急後重

黃連

淨十兩

切如豆粒用淨吳茱萸五兩二味用熱

水拌和入磁罐內置熱湯中頓一日同炒至黃

連紫黃色為度去茱萸不用

木香 每製淨黃連一兩每木香二錢半

右為末醋糊丸桐子大每服七十丸食前空心米飲

下

良方

六神丸

百十

治食積兼熱赤白痢疾或腹痛不食

或久而不止

神麴

為糊

麥芽

炒

茯苓

枳殼

麴炒

木香

煨

黃連

炒焦黑
等分

右為末以神麴糊為丸桐子大每服五七十九白湯

送下

八正散

百十

治心經蘊熱臟腑秘結小便赤澀淋閉

不通及血淋等證

車前子

木通

滑石

飛

山梔

大黃

煨

瞿麥

篇蓄

甘草

各等分

右咬咀每服五錢水二鍾燈心二十莖煎七分食前

溫服

七正散

百十六

車前子

赤茯苓

山梔仁

木通

龍膽草

篇蓄

生甘草稍

加燈心竹葉水煎服

五淋散

百十七

治膀胱有熱水道不通淋瀝不止臍腹

急痛或尿如豆汁或如砂石膏淋尿血並皆治之

茵陳

淡竹葉

各一錢

木通

滑石

甘草

各錢半

梔子

炒

赤芍藥

赤茯苓

各二錢

水二鍾煎一鋸食前服

方薺苓湯

百十八

治夏月暑瀉欲成痢者

香薺

黃連

薑汁炒

厚樸

薑炒

扁豆

炒

猪苓

澤瀉

白朮

茯苓

等分

右咀每服五六錢水鍾半薑三片煎七分服

局
方太平丸

百十

治泄瀉

黃蓮

同吳茱萸炒
去茱萸不用

芍藥

炒減
半

右為末老米糊丸服○同乾薑炒加阿膠一半為丸

名駐車丸

本
火府丹

百二十

治心經積熱小便淋澀黃疸煩渴

生地黃

二兩
杵膏

木通

黃芩

炒各
二兩

右以三味為末加蜜丸桐子大每服五七十九丸木通湯下○許學士云一卒病渴日飲水斗許不食者三月中煩悶時在十月余謂心經有伏熱與火府丹數服越二日來謝云當日三服渴止又三服飲食如故此本治淋用以治渴可謂通變也

真珠粉丸

一二

治精滑白濁

黃栢

真珠粉

各一

真珠

三兩一方代以青黛亦效

右為末水糊丸桐子大每服百丸空心溫酒下或加

檮皮滑石青黛俱好

局導赤散

一二二

治心火及小腸熱證小便赤澀而渴

生地

木通

生甘草

各等分

入竹葉二十片水煎服 一方加人參麥門冬

赤茯苓湯

一二三

治膀胱實熱小便不通口乾咽腫不

利

赤茯苓

猪苓

木通

車前子

瞿麥

葵子

黃芩

滑石

枳實

甘草

各等分

水一鍾半薑三片煎八分食前服

濟生

葵子湯

一四

治膀胱實熱腹脹小便不通口舌乾

燥

葵子

微炒

猪苓

赤茯苓

枳實

瞿麥

木通

黃芩

車前子

滑石

各一錢

甘草

五分

右用水一鍾半薑煎空心服

牛膝湯

一五

治砂石淋澀

牛膝

一合

麝香

少許

右用水煎牛膝去滓入麝香服之○鄆縣耿夢得之

內患淋下砂石剝剝有聲甚為苦楚一服而愈

三味牛膝湯

一六

治小便不通莖中痛及婦人血熱

內結腹堅痛

牛膝

根葉一握生用

當歸

一兩

黃芩

去黑心半兩

右咀每服一兩許水一鍾半煎七分食遠服日三

海金沙散_{一二}

治膏淋

海金沙

滑石_{各一兩}

甘草_{二錢}

右為細末每服二錢燈草湯空心調下

茵陳湯_{一二}

八

治黃疸發熱大小便澀

茵陳

梔子仁

_{各五錢}

赤茯苓

葶藶

_{各錢半}

枳實

甘草

_{各五分}

水一鍾半薑三片煎八分食前服

活人

茯苓滲濕湯

_{一二九}

治黃疸濕熱嘔吐而渴身目俱

黃小便不利食少而熱

白茯苓

澤瀉

茵陳

青皮

陳皮

防己

各五分

梔子

黃芩

各八分

黃連

枳實

各七分

蒼朮

白朮

各一錢

右水煎服

東垣

當歸拈痛湯

百三十一

治濕熱為病肢節煩疼肩背沉

重胸膈不利手足偏身流注疼痛熱腫等證

羌活

黃芩

炙甘草

茵陳

各五錢

人參

苦參

升麻

乾葛

蒼朮

錢各二

防風

歸身

白朮

知母

猪苓

澤瀉

錢各一

右咬咀每服一兩水煎空心服臨睡再服

活人

犀角散

一三

治脚氣衝心煩喘悶亂頭痛口乾坐

臥不得

犀角屑

枳殼

錢炒

沉香

錢各七

檳榔

紫蘇

葉

麥門冬

赤茯苓

錢各一

木香

防風

各半兩

石膏

生用研二兩

右咬咀每服八錢以水一鍾半煎八分去粗入淡竹瀝一合更煎一二沸不拘時溫服

東垣

清燥湯

一三

治六七月間濕熱成痿肺金受邪腰

以下痿軟癱瘓不能動行走不正兩足攸側

柴胡

酒黃柏

黃連

麥冬

各三分

生地

人參

各一錢

炙甘草

猪苓

白茯苓

橘紅

神麴

澤瀉

各五分

白朮

蒼朮

各八分

黃芪

錢半

升麻

三分

五味子

九粒

右咬咀每服半兩水二盞煎一盞稍熱空心服

蒼朮湯

一三

治濕熱腰腿疼痛

蒼朮

三錢

柴胡

二錢

黃柏

防風

各一錢

右用水煎空心服

丹

二妙散

一三

治濕熱在經筋骨疼痛如有氣加氣

藥如血虛加補血藥如痛甚加薑汁熱辣服之

黃柏

炒

蒼朮

去皮炒
製等分

右為末搗生薑煎沸湯調服○此二物皆有雄壯之氣如氣實者加少酒佐之○此即集要二神湯各三錢半用水煎空心服

一方以二妙為君加甘草

羌活

各二錢

陳皮

芍藥

各一錢

威靈仙

酒炒五分

為末服之佳

加味二妙丸

二三五

治兩足濕痺疼痛如火燎從兩足

跗熱起漸至腰膝或麻痺痿軟皆是濕熱為病此方

主之

歸尾

川牛膝

川草薺

防己

龜板

酥炙各一兩

蒼朮

米泔浸炒四兩

黃柏

二兩酒浸晒乾

酒煮麵糊為丸桐子大每服百丸空心薑鹽湯送下

漢丹

蒼朮黃栢丸

六一三

治濕熱食積痰飲流注脚氣

蒼朮

鹽水炒

黃栢

鹽水炒

防己

南星

川芎

白芷

犀角

檳榔

等分

右為末酒糊丸服○血虛加牛膝龜板○肥人加痰藥

正傳虎脰骨丸

一三七

治兩足痿弱軟痛或如火焙從足

踝下上衝腿膝等證因熱所成者經驗

牛膝

歸尾

各二兩

龜板

酥炙

虎脰骨

酥炙

防己

各一兩

蒼朮

米泔浸一宿

黃柏

酒浸日晒各四兩

右為細末麵糊為丸桐子大每服百餘丸空心薑鹽湯送下○一方加炮附子五錢

河間

苦參丸

一三八

治血虛風熱著痺

苦參

二兩
取粉

丹參

炙

沙參

人參

防風

去叉

五加皮

蒺藜

炒去刺

烏蛇

酒浸
取肉

蔓荊子

龜板

酥炙

虎骨

酥炙

玄參

各一兩

右為細末用不蛀皂角一斤剉碎以水三升掇取汁

於無油鐵器熱成膏加煉蜜四兩和丸桐子大每服

十五丸至二十九食後良久夜臥共三服荊芥薄荷

酒下

陳氏苦參丸 一三

方在外科八

治遍身搔痒癬疥瘡瘍

錢氏苦參丸 一四

方在痘疹九

治痘後潰爛瘡毒疥癩

硃砂涼膈丸 一四

治上焦虛熱肺腕咽膈有氣如烟

搶上

黃連

山梔 各一兩

人參

茯苓 各半兩

硃砂 三錢

冰片 五分

右為細末煉蜜為丸梧子大硃砂為衣熟水送下五

七九日進三服食後

東垣硃砂安神丸一四二一名黃連安神丸治心神煩

亂發熱怔忡不寐或寐中驚悸頭暈等證

生地

硃砂另飛為衣當歸各一錢甘草五分

黃連一錢半

湯浸蒸餅為丸黍米大每服十五丸或二十九津液
嚥之或食後用溫水涼水送下亦可

錢氏安神丸

一三

治熱渴心悶脉實頰赤口燥

麥冬

馬牙硝

白茯苓

寒水石

山藥

甘草

各五錢

硃砂

一兩

龍腦

一錢

右為末煉

蜜丸芡實大每服一九沙糖水化下

秘旨安神丸

一四

方在小兒七一

治心虛驚悸

十味安神丸

一五

方在小兒七三

治虛驚

七味安神丸

一四六

方在小兒七二

治心熱多驚

龍腦安神丸

一四七

治男婦小兒五積癰瘤不論遠

近發作無時但服此藥無不痊愈

龍腦

研

麝香

研

牛黃

研各三錢

犀角屑

人參

茯神

麥冬

硃砂

飛各三兩

桑白皮

炒

地骨皮

甘草

炙各一兩

馬牙硝

二錢

金箔

三十片

為細末煉蜜丸彈子大金箔為衣寒用熱水熱用涼
水不拘時化下一丸小兒半丸如病二三年者日進
三服若男婦虛勞喘嗽發熱者用新汲水化下其喘
滿疲嗽立止

萬

氏龍腦安神丸

八一四

方在小兒七七

治驚疲及痘中昏悶譫妄

抑青丸

九一四

治肝火

黃連

炒薑汁

右單用一味為末粥丸溫水下

錢氏抑青丸

百五

方在小兒九八

治肝熱急驚搐搦

瀉青丸

一五

治肝膽火並小兒急驚發搐眼赤睛疼

龍膽草

當歸

川芎

防風

羌活

山梔

大黃

等分

煉蜜為丸桐子大每服五十丸

瀉金丸

一五

治肺火

用黃芩為末滴水丸白湯下

丹
溪
萊連丸

三一五

治濕熱吐酸

黃連

陳壁土
炒二兩

黃芩

製同
一兩

陳皮

蒼朮

米泔
浸

吳茱萸

煮少時浸半日
曬乾各一兩

或加桔梗茯苓各一兩

右為末神麴丸萊豆大每服二三十丸食後津液

送下

左金丸

一五
四

治肝火脇肋刺痛或發寒熱或頭目作

痛淋秘泄瀉一切肝火等證

黃連

六兩炒

吳茱萸

一兩湯泡片時焙乾用

右為末粥丸梧子大白朮陳皮煎湯下三四五十丸

大補丸

一五五

治陰火

黃栢

鹽酒炒
褐色

米粥丸血虛四物湯送下氣虛四君子湯送下

大造丸

一五六

此方治陰虛血熱能使耳目聰明鬚髮

烏黑有奪造化之功故名大造亦治心風失志虛勞

水虧等證

紫河車

頭生壯盛者一具以米泔洗淨少加酒蒸極爛搗膏以山藥末收烘乾用或洗淨即

以新瓦土焙乾用

敗龜板

自死者酥炙二兩

黃蘗

鹽酒炒兩半

杜仲

酥炙

牛膝

酒洗一兩二錢

天門冬

麥門冬

各一兩二錢

熟地

二兩半用砂仁末六錢茯苓二兩一塊同稀絹包入好酒煮七次去茯苓不用

夏加五味子七錢

右除熟地黃另杵外共為末用酒煮米糊同熟地膏

搗丸桐子或蜜丸亦可每服八九十九空心臨臥鹽

鹽湯薑湯任下冬月酒下○婦人加當歸二兩去龜

板○男子遺精白濁婦人帶下加牡蠣一兩半

丹溪

大補陰丸

一五七

降陰火補腎水

黃栢

鹽酒炒

知母

鹽酒炒
各四兩

熟地

酒洗蒸
搗爛

龜板

酥炙黃
各六兩

右為細末用猪脊髓蒸熟和煉蜜同搗為丸桐子大
每服五六十丸空心薑鹽酒送下

秘傳

大補天丸

一五八

治男婦虛損勞傷形體羸乏腰背

疼痛遺精帶濁

紫河車

初胎者一具米泔洗淨入小砂礮內加水一碗煮沸候冷取起放竹籃中四圍用紙

糊密烘乾為末
入羣藥和勻

黃蘗

蜜炒

知母

乳炒

龜板

酥炙各
三兩

懷熟地

五兩
擦

牛膝

酒洗

肉蓯蓉

酒洗

麥門冬

山藥

炒

虎脰骨

酥炙

黃芪

蜜炙

茯神

各兩
半

杜仲

製

何首烏

製

人參

白芍藥

冬月
一兩

枸杞

各二
兩

生地

酒洗沙鍋
煮爛搗

天門冬

當歸

酒洗

北五味

各一兩

冬加乾薑

半兩炒黑

右為細末用猪脊髓三條蒸熟同煉蜜和搗為丸桐

子大每服八十九空心淡鹽湯送下冬月酒下

大補地黃丸

一五九

治精血枯涸燥熱

黃蘗

鹽酒炒

熟地

酒蒸各四兩

當歸

酒洗

山藥

炒

枸杞

各三兩

知母

鹽酒炒

山茱萸

白芍藥

各二兩

生地

二兩半

肉蓯蓉

酒浸

玄參

各兩
半

右為末煉蜜丸桐子大每服七八十九空心淡鹽湯

送下

丹溪補陰丸

一六
十

一名虎潛丸

降陰火滋腎水

黃柏

製

知母

製

熟地

酒洗各
三兩

龜板

酥炙
四兩

白芍

酒炒

當歸

牛膝

各二
兩

虎脰骨

酥炙

瑣陽

酥炙

陳皮

各兩
半

右為細末酒煮羯羊肉為丸桐子大冬加乾薑半兩

每服五六十丸薑鹽湯或酒下

補陰丸

節齋 一六

黃柏

知母

俱酒炒

龜板

各三兩

熟地

五兩

瑣陽

枸杞

天冬

白芍

各二兩

五味

一兩

乾薑

五錢

煉蜜入猪脊髓三條搗丸桐子大每服八九十九空

心淡鹽湯送下冬月用酒

三補丸

一六

治三焦火熱

黃連

黃芩

黃栢

滴水丸桐子大白湯送下或淡鹽湯亦可

東垣

滋腎丸

一六三

降腎火桂與火邪同體此寒因熱用

法也凡不渴者病在下焦宜用之○良方云或腎虛足熱小便不利肚腹腫脹皮膚脹裂眼睛突出此神劑也

黃栢

二兩酒拌陰乾

知母

同上

肉桂

二錢

為細末熟水為丸百沸湯空心送下二百丸

加味虎潛湯

一六四

治諸虛不足腰腿疼痛行步無力

壯元氣滋腎水

熟地黄

八兩

人參

黃芪

炙

當歸

杜仲

酥炙

牛膝

酒蒸

瑣陽

酒洗

龜板

酥炙

兔絲子

製

茯苓

破故紙

炒

黃蘗

蜜水炒

知母

酒炒

虎骨

酥炙各一兩

山藥

炒

枸杞子

各二兩

右煉蜜加猪脊髓酒蒸熟同搗丸桐子大每服百餘

丸空心淡鹽湯或酒任下

加味坎離丸

一六五

生精養血升水降火

川黃栢

八兩

分四分用清酒鹽水人乳蜜水各浸

二兩曬乾炒褐色

熟地

八兩

用茯苓四兩打碎砂仁二兩三味同入

絹袋中好酒二瓶煮乾去茯苓砂仁止用地黃

知母

八兩鹽酒浸炒

白芍

酒浸一日曬乾

當歸

川芎

各四兩

右為末同鋪筐中日晒夜露三日為度煉蜜丸桐子

大每服八九十九空心鹽湯冬月溫酒任下

三才封髓丹

一六六

降心火益腎水

天門冬

熟地黄

人參

各一兩

黃蘗

炒褐色三兩

砂仁

炒半兩

甘草

炙七錢

右為末麵糊丸桐子大每服五七十九以肉蓯蓉五

錢切片酒浸一宿次日煎三四沸空心送下

當歸龍薈丸

一六七

治肝經實火大便秘結小便澀滯

或胸膈作痛陰囊腫脹凡肝經實火皆宜用之及一切躁擾狂越驚悸不寧等證

當歸 龍膽草 梔子仁 黃連

黃柏 黃芩 蘆薈 大黃

青黛 木香 麝香

各五錢

二錢半

五分另研

右為末神麴糊丸桐子大每服二三十丸薑湯白湯任下

良方蘆薈丸 一六八

治疳癰肌肉消瘦發熱潮熱飲食少

思口乾作渴或肝火食積口鼻生瘡牙齦蝕爛等證

蘆薈

胡黃連

黃芩

炒焦

木香

白蘞薹

炒

青皮

各五錢

當歸

茯苓

陳皮

各兩半

甘草

炒七錢

右為末米糊丸桐子大每服七八十九米湯下

大蘆薈丸

一六九

方在小兒百十五

治小兒肝脾瘕積發熱

加減蘆薈丸

百七

方在小兒百十六

治證同前

三聖丸

一七

治嘈雜神效

白朮

炒四兩

橘紅

炒一兩

黃連

錢炒五

右為細末神麴糊丸綠豆大每服五六十丸薑湯下

木連丸

一七

治嘈雜

白朮

土炒四兩

黃連

汁炒一兩薑

右為末神麴糊丸黍米大每服百餘丸薑湯下

軟石膏丸

一七

治嘈雜噎氣

軟石膏

煨

半夏

製

南星

製

香附子

炒

梔子仁

炒各等分

右為細末米粥丸桐子大每服五七十丸薑湯下

地榆丸

一七四

治血痢下血極效

地榆

微炒

當歸

微炒

阿膠

糯米炒

黃連

去鬚

訶子

取肉炒

木香

晒乾

烏梅肉

各半兩

右為細末煉蜜丸梧子大每服三五十九空心或食

前陳米飲吞下

槐角九

一七五

治五種腸風下血並痔漏脫肛

槐角

炒

黃芩

地榆

當歸

防風

枳殼

麩炒

右等分為細末米酒麵糊丸桐子大每服五六十丸

空心清米飲送下極效○一方有烏梅肉

御藥

阿膠九

一七六

治腸風下血

黃連

阿膠

炒珠

赤茯苓

等分

右將赤茯苓為末阿膠用酒熬化和末衆手為丸食前

米湯送三五十丸或共為末糊丸亦可

聚金丸

一七

治酒毒大腸蓄熱下血

黃芩

防風

各二兩

黃連

四兩半生半酒炒

右為末醋糊丸梧子大每服七八十丸空心米飲下

臍連丸

一七

治遠年近日腸風臍毒下血

大鷹爪黃連

半斤

槐米

二兩

枳殼

一兩

防風

粉草

槐角

香附

牙皂

木香

各五錢

右用陳倉米三合同香附一處為末外藥共為細末
用猪大臟約長二尺洗淨裝入米附縛定量用水二
大碗沙鍋炭火煮乾即添水漫火煮爛如泥取起和
藥搗勻丸桐子大每空心米飲下七八十九忌麵蒜
生冷煎炙之物一料病痊

局方酒蒸黃連丸

一七九

治一切熱瀉便血並伏暑發熱

解酒毒

黃連 半斤用淨酒二升浸以瓦器置甑上蒸至

爛取出曬乾

右為末滴水丸每服五十丸食前溫水下

黃連丸

百八

治腸紅便血痔瘡腫痛

黃連

吳茱萸

等分

右二味用滾湯同漉過罨一二日同炒揀開各另為

末米糊丸桐子大每服二三錢糞前紅服茱萸丸糞

後紅服黃連丸俱酒下○此與左金丸稍同

猪臟丸

一八

方在外科二二二

治大便秘漏下血

保和丸

一八二

方在小兒二五

治飲食酒積停滯

四順清涼飲

一八三

方在攻陣二五

治臟腑血熱煩渴秘結

仲景

白頭翁湯

一八四

治熱痢下重者

白頭翁

二兩

黃連


黃蘗

秦皮

各三兩

右四味以水七升煮取二升去滓溫服一升不愈再

服一升



景岳全書卷五十七